teste ou la teste dans un mannequin, criant: marée fresche, fresche marée! Au troisiesme, ainsi qu'à la queue gist le venin, le reste de la soldadaile bons et mauvais, racaille de goujaterie... leurs oreilles tirant, barbe raze et pied ferré, en estat de mettre en galère, etc. »

Il estoit ordonné de plus : « qu'ils porteroient leurs enseignes soubs l'aisselle, tout en un tas, le tambour crevé, le pifre esclatté, les arquebuzes enclouées, la meiche esteinte, la poudre mouillée, l'espée rouillée, tenant au bout le poignard desmanché, la picque déferrée, la pertuisane despointée, les hallebardes desantées, et pour les achever de peindre, l'appétit ouvert, le ventre affamé et la bource platte...

« Cette extraordinaire composition fust acceptée sans marchander avec autant d'affection qu'Artaxerxes, en son extresme soif, le verre d'eau que luy présenta le paysant, tant la pœur faict mespriser la gloire et fait fouler aux pieds l'honneur. »

Les Gendarmistes exécutèrent scrupuleusement et de point en point les articles de la capitulation. « Ils sortirent la propre feste de sainct-Pris, autrement dict sainct-Atrapé, le lendemain de saint Merry, en l'ordre ridiculle qui leur avoit esté enjoint.

- « Au surplus ces tristes Gendarmistes estoient tant deschirez et mal en ordre, qu'ils sembloient estre fraischement eschappez d'une friponnerie de pages et de laquais, d'une meute de chiens, d'une troupes de sergents et de la main des advocats, (ou dirayje) estre vestus des livrées de Monsieur Gaulard, gris et froid rien devant et rien derrière et les manches de mesme, le nez morveux, la barbe sale, avec des yeux étincelans souz des sourcils à long poil herissez..., affreux, maigres et basannés... et plus honteux que des loups pris au piége.
- « Spécialement leur chef... le désastré Gendarme... tout décornifistibulé de son cheval d'entendement, tout maleficié de son chien de corps, tout esclopé, tout biscayé, tout errené, paistri d'eau froide, défaillancé, hallebrené, fené, maladré, franfreluché, metagrabolisé, mausade, faisant pitié à qui il souloit faire envie...
- « Or, comme il arrive souvent, que les chiens couards deschirent en la maison et mordent les peaux des bestes sauvages qu'ils